

唐伯虎先生外編續刻卷之六

吳趨唐 寅伯虎著



同郡何大成君立輯

五言律詩

題張夢晉畫

綠崖入翠微
嵐氣濕羅衣
澗水浮花出
松雲伴鶴飛
行歌樵互答
醉臥客忘歸
安得依書屋
開牕碧四圍
桃花庵與祝
希哲諸君同賦

茅茨新卜築
山木野花中
燕婢泥銜紫
徂公果獻紅

梅梢三鼓月柳絮一簾風匡廬與衡岳彷彿夢相通
馬

天上飛龍廐關西犢鼻騮承恩披玉甃弄影浴金沙
舞獻甘泉酒驕噉內苑花丹青流落處駑馬尚堪誇
送行

牢落三杯酒飄飄一葉舟行人還遠路寒色上貂裘
此日傷離別還家足唱酬蕭齋煩掃榻爲我醉眠謀
題畫

鞢襪東城路清和四月時游姬香滿袖明月水平池

畫燭留餽市酸風颭酒旗少年行樂地不許衆人知
題谿山疊翠卷

春林通一徑野色此中分鶴跡松陰見泉聲竹裏聞
草青經宿雨山紫帶斜曛采藥知何處柴門掩白雲
五言排律

賀松郡伯壽誕

傅相騎箕宿甲侯降岳神百年生國士一德格天人
君子弘斯道皇皇福下民登庸第高等簡在命來旬
冀非空豪傑江南失屢貧席香留粉署露冕駕朱輪

唐伯虎先生外編續刻卷之七
襦袴今歌惠絲綸待秉鈞初筵稱誕節獻歲發陽春
進酒杯擎玉行厨舖擘麟蕪詞何以祝海底看揚塵
偶成

還丹難煉藥粘日苦無膠沽酒衣頻典催花鼓自敲
功名蝴蝶夢家計鷓鴣巢世事燈前戲人生水上泡

唐伯虎先生外編續刻卷之七

吳趨唐 寅伯虎著
同郡何大成君立輯

七言律詩

睡起

紙帳空明煖氣生布衾柔軟曉寒輕半牕紅日搖松
影一甌黃梁煮浪馨殘睡無多有滋味中年到底沒
心情世人多被鷄催起自不由身為利名

贈南野

野人茅屋向陽開，荆織雙扉土築臺。儘有雞豚供伏臘，喜無玉步到蒿萊。曉依寒日曝毛褐，夜對中星舉酒杯。我亦陸沈斯世者，買鄰何日許相陪。

江南送春

細雨簾櫳復送春，倦游肌骨對宗人。一番櫻筍江南節，九十光陰鏡裏塵。夜與琴心爭蜜燭，酒和香篆送花神。東君類我皆行客，萍水相逢又一巡。

與朱彥明諸子同游保叔寺

便與銜尾試臨汀，蘭若從頭遍扣扃。晨明香燼通殿

霧夜漁燈散滿湖，星登高軒酒傾鄮。白弔古空山涌帝青，又筭一番行樂處。詩成吟與故人聽。

枕上聞雞鳴

三通鼓角四通雞，曙色升高月色低。時序新冬又春夏，舟車南北更東西。鏡中次第人顏老，世上參差事不齊。若向其間尋穩便，一壺濁酒一餐齏。

西疇園爲王侍御作

鍤冠仙史隱城隅，西近平疇宅一區。準例公田多種秫，不教詩興敗催租。秋成爛煮長腰米，春作先驅了

髻奴鼓腹年年歌帝力不須祈穀幸操壺

題畫

湖上仙山隔渺茫世塵不上度頭航白蘋開處藏漁
市紅葉中間放鹿場落日沈沙曾見影新霜着樹橘
生香遙聞逋老經行處芝艸歲蕤滿路傍

元宵

有燈無月不娛人有月無燈不算春春到人間人似
玉燈燒月下月如銀滿街珠翠游邨女沸地笙歌賽
社神不展芳尊開口笑如何消得此良辰

題碧藻軒

畫堂基構畫船通碧水漣漪碧藻叢波弄日光翻上
棟窗含烟景直浮空簾垂菡萏花開上魚戲闌干倒
影中試倩詩人畧評品不妨喚作水晶宮

沈徵德飲予於報恩寺之霞鶯亭酒酣賦贈
水檻馮虛六月風豪英相聚一尊同水光錯落浮瓜
綠日影玲瓏透樹紅謬以上筵尊謾客喜留新契在
禪宮雲衢萬里諸公去馬笠不知何處逢

正德己卯承沈徵德顧學置酌禪寺見招猥

鄙杯酒狼籍作此奉謝

陶公一飯期冥報杜老三杯欲托身今日給孤園共
醉古來文學士皆貧就題律句紀行跡更乞侯鯖賜
美人公道吾痴吾道樂要知朋友要尋真

春日城西

衣試新裁襪試穿闔閭城外暮春天閒書朱墨鄉村
旆互界青黃菜麥田食祿有方生樂土太平無象是
豐年兆民仰賴君王慶難報惟擎額上拳

散步

吳王宮裏柳成畦齊女門前水拍堤賣酒當壚人媿
娜落花流水路東西平頭衣襪和鞋試美舌鈎輒繞
樹啼此是吾生行樂處若爲詩句不留題

松陵晚泊

晚泊松陵繫短篷埠頭燈火集船叢人行烟靄長橋
上月出薰葭漫水中自古三江稱禹跡波濤五夜起
秋風鱸魚味美村醪賤放筯金盤不覺空

領解後謝主司

壯心未肯逐樵漁泰運咸思備掃除劍責百金方折

閱玉遭三黜忽活諸紅綾敢望明年餅黃絹深慙此
日書三策舉場非古賦上天何以得吹噓

送李尹

征途驅策信良駟祖席驪歌散曉煙花滿邑中無犬
吠塵疑梁上有魚縣每游緣地留詩榜只把清風折
俸錢遺愛在民齊仰望青雲一鶚正喬遷

長洲高明府過訪山莊失于迎迓作此奉謝

重茅小構向城垣杖杜何煩顧道周題鳳在門驚迅
筆驅雞上樹避鳴騶望塵有失迎車拜掃徑還期下

榻留莫道腐儒貧徹骨濁醪猶可過牆頭

和雪中書懷

窗撲春蛾雪打團杯浮綠蟻酒衝寒挑來野菜和根
煮尋着江梅帶蘚搬暗笑無情牙齒冷熟看人事眼
睛酸筋骸誰健頭顱老脫屣塵埃已不難

壽嚴民望母八十

八旬慈母女中仙九轉丹成妙入玄階暗彩衣娛白
髮月明黃鶴下青天悅縣錦帶遙稱誕酒灑金卮共
祝筵壽筭欲知多少數蟠桃一熟九千年

言懷 二首

田衣稻衲擬終身，彈指流年了四旬。
善亦嬾爲何況惡，富非所望不憂貧。
山房一局金藤着，野店三杯石凍春。
只此便爲吾事辦，半生落魄太平人。
笑舞狂歌五十年，花中行樂月中眠。
漫勞海內傳名字，誰論腰間缺酒錢。
詩賦自慙稱作者，衆人多道我神仙。
些須做得工夫處，莫損心頭一寸天。

別劉伯耕

一別光輝二十年中，間消息兩茫茫。
然忍銜救命來吳苑，過訪貧家值暑天。

踏上青雲看鶚舉，杯臨紅燭語蟬連。
料知別後應相念，盡贈江東日暮烟。

寄郭雲帆

我住蘇州君住杭，蘇杭自古號天堂。
東西只隔路三百，日夜那知醉幾場。
保叔塔將湖影浸，館娃宮把麝臍香。
只消兩地堪行樂，若到它鄉沒主張。

雨中小集即事

煙篆風筇走輿臺，邀取羣公赴社來。
蕉葉共聽窗下雨，蟹螯分弄手中杯。
能容緩頰村夫子，戲謔長眉老

唐
辨才酒散不妨無月色夾堤燈火棹船回

正旦大明殿早朝

繡傘齊擎御道中鳴鞭將下息朝鐘
仙班接仗星辰近法駕臨軒雨露濃
百尺呆愚宿威鳳九重閭闔擁神龍
履新萬國朝元日堯德無名祝華封

閭門即事

世間樂土是吳中中有閭門又擅雄
翠袖三千樓上下黃金百萬水西東
五更市買何曾絕四遠方言總不同
若使畫師描作畫畫師應道畫難工

檢齋

檢束斯身益最深檢身還要檢諸心
鞠躬暗室如神在恭已虛齋儼帝臨
視聽動言皆有法盃盤几席盡書箴
遙知危坐焚香處默把精微義理尋

同諸公登金山

山峙清江萬里深上公乘興命登臨
憑尊指顧分吳楚滿眼風波自古今
春日客途悲白髮祇園兵燹廢黃金
日斜未放滄浪渡飽酌中泠洗宿心

此詩見三山志與前

刻不

夢

二十年餘別帝鄉夜來忽夢下科場
鷄蟲得失心尤悸筆硯飄零業已荒
自分已無三品料若爲空惹一番
忙鐘聲敲破邯鄲景依舊殘燈照半牀

嘆世

富貴榮華莫強求強求不出反成羞
有伸脚處須伸脚得縮頭時且縮頭
地宅方圓人不在兒孫長大我難留
皇天老早安排定不用憂煎不用愁

自咲

兀兀騰騰自咲癡科名如鬢髮如絲
百年障眼書千卷四海資身筆一枝
陌上花開尋舊跡被中酒醒鍊新詞
無邊意思悠長處欲老充陰未老時

獨宿

白木棲牀厚砌氈烏綾袂被薄裝綿
無燈不做欺心夢有酒何愁縮脚眠
日占千間忙個甚天明萬事又相牽
不如自學安身法便是來叅沒眼禪

避事

多憑乖巧討便宜我討便宜便是癡
繫日無繩那得

住待天倚杵是何時隨緣冷煖開懷酒懶筭輸贏信
手棋七尺形骸一丘上任他評論是和非

四十自壽

魚羨道衲水雲身彈指流年到四旬善亦嬾爲何況
惡富非所望豈憂貧山房一局金騰着埜店千杯石
凍春如此福緣消不盡半生無事太平人

又改作

田衣稻衲擬終身彈指流年了四旬善亦懶爲何況
惡富非所望莫添貧山房一局金騰着野店三杯石

凍春如此福緣消不盡半生落鬼太平人

桃花塢袂襖

穀雨芳菲集麗人當筵餽飣一時新轆絃護索僊韶
合杼手搖頭酒令新白日不停簷下轍黃金難鑄鏡
中身莫辭到手金螺滿一咲從來勝是嗔

哭妓徐素

清波雙珮寂無踪情愛悠悠怨恨重殘粉黃生銀撲
面故衣香寄玉關胸月明花向燈前落春盡人從夢
裡逢再托生來儂未老好教相見夢姿容

夜讀

夜來欹枕細思量
獨卧殘燈漏轉長
淡慮鬢毛隨世
白不知腰帶幾時黃
人言死後還三跳
我要生前做一場
名不顯時心不朽
再挑燈火看文章

題輞川

輞川風景更如何
天色秋光趣益多
白日蒼松塵外
想清風明月醉時歌
林間鹿過雲還合
溪面魚遊水自波
高隱不求軒冕賢
且將蹤跡寄烟蘿

姑蘇襍詠

門稱閭闔與天通
臺號姑蘇舊帝宮
銀燭金釵樓上
下燕檣蜀柁水西東
萬方珍貨街充集
四牡皇華日會同
獨悵要離一坏土
年年青艸沒城墉

長洲茂苑古通津
風土清嘉百姓馴
小巷十家三酒店
豪門五日一嘗新
市河到處堪搖櫓
街巷通宵不絕人
四百萬糧充歲辦
供輸何處似吳民

江南人盡似神僊
四季看花過一年
趕早市都清早起
遊山船直到山邊
貧逢節令皆沽酒
富買時鮮不論錢
吏部門前石碑上
蘇州兩字指摩穿

繁華自古說金閭畧說繁華話便長百雉高城分亞
字千年名劔殉吳王龍蟠左右山無盡蛇委西東水
更長北去虎丘南馬澗笙歌日日載舟航

社中諸友携酒園中送春

二月盡頭剛立夏一杯新酒送殘春共嗟時序隨流
水况是筋骸欲老人眼底風波驚不定江南櫻笋又
嘗新芳園正在桃花鴉欲伴漁郎去問津

謁故福建僉憲永錫陳公祠

封章曾把逆鱗批三逐雖危志不迷諫草猶餘幾行

墨遺書今掩一箱締常山賸有孤忠氣新廟無慚直
道題私淑高風重拜謁秋林殘日古城西

嘉靖改元元旦作

世運循環世復清物情熙皞物咸亨一人正位山河
定萬國朝元日月明黃道中天華闕迥紫微垂象太
階平區區蜂蟻誠歡喜鼓腹歌謠竟此生

警世 八首

措身物外謝時名着眼閒中看世情人笑不如天笑
巧機心爭似道心平過來昨日疑前世睡起今朝覺

再生說與明人應曉得與愚人說也分明

世事如舟挂短篷或移西岸或移東幾回缺月還圓
月數陣南風又北風歲久人無千日好春淡花有幾
時紅是非入耳君須忍半作癡呆半作聾

但凡行事要知機斟酌高低莫亂爲烏江項羽今何
在赤壁周瑜業更誰贏了我肯何足幸且饒他去不
爲虧世事與人爭不盡還他一忍是便宜

萬事由天莫苦求子孫絲遠福悠悠飲三盃酒休胡
亂得一帆風便可收生事事生何日了害人害人幾

時休冤家宜解不宜結各自回頭看後頭

爲人須是要公平不可胡爲肆不仁難得生居中國
內况兼幸作太平民交朋切莫交無義做鬼須當做
有靈萬類之中人最貴但行好事莫相輕

貪利圖名滿世間不如布衲道人閑籠鷄有食鍋湯
近海鶴無糧天地寬富貴百年難保守輪迴六道易
循環勸君早向生前悟一失人身萬劫難

仁者難逢思有常平居慎勿恃無傷爭先徑地機關
險退後語言滋味長爽口物多終作疾快心事過必

為殃休言病後能求藥孰若病前能預防
去歲殘花今又開追思年少忽成呆數莖白髮催將
去萬兩黃金買不回有藥駐顏真是妄無繩繫日轉
堪哀此情莫與兒郎說直待兒郎自老來

除夜坐峽蝶齋中

燈火蕭蕭豈又除盤食艸艸食無魚衰遲日月辭殘
曆憔悴頭顱詠後車一卷文章塵覆甌兩都踪跡雪
隨驢明朝轉眼更時事細雨荒雞湯倚廬

本朝全書
當作歲定
讀

唐伯虎先生外編續刻卷之八

吳趨唐 寅伯虎著
同郡何大成君立輯

詞

踏莎行 閨情

可怪春光今年偏早閨中冷落如何好因他一去不
歸來愁時只是吟芳艸○奈爾雙姑隨行隨到其間
况味予知道尋花趁蝶好光陰何須步步回頭笑 右春
日色初驕何妨逃暑綠陰庭院荷香渚冰壺玉笋足

追懼還應少箇文章侶○已是無聊不如歸去賞心

樂事常難濟且將杯酒送愁魂明朝再去尋佳處夏右

八月中秋涼颼微逗芙蓉恰是花時候誰家姊妹鬪

新妝園林散步頻攜手○折得花枝寶瓶隨得歸來

賞玩全憑酒三杯酩酊破愁城醒時愁緒應還又秋右

寒氣蕭條剛風凜烈薄情何事輕離別經時不去看

梅花牕前一樹通開徹○急喚雙鬟為儂攀折南枝

欲寄憑誰達對花無語不勝情天邊雁叫添愁絕冬右

望湘人

春日花前詠懷

想盤鈴僊偶寒食裹蒸曾嘗少年滋味凍勒花遲香

供酒醒又算一番春計鏡裏光陰尊前明月眼中時

事有許多閒是閒非我說與君君記○道是榮華富

貴恁掀天氣槩雲霓時搬戲看今古英雄多少葬身無

地名高惹謗功高相忌我且花前沈醉管甚箇鬼走

鳥飛白髮蒙頭容易

千秋歲引

題古松贈壽

鮮疊蒼鱗蘿纏翠角萬丈髯龍奮騰躍深更抱雲宿

夜澗清朝捧日登秋壑挺風霜傲泉石倚寥廓○下

有茯苓上有鶴守護地丹竈藥粟粒粘唇世緣卻九
時細調白玉髓藏來密鎖黃金橐祝千齡向初度齊
天樂

江南春

次倪元鎮韻

梅子墮花莢孕笋江南山郭朝暉靜殘春鞦韆試東
郊綠池橫浸紅橋倒影古人行處青苔冷館娃宮鎖西
施井低頭照井吮紗巾驚看白髮已如塵○人命促
光陰急淚痕清酒青衫濕少年已去追不及仰看烏
沒天凝碧鑄鼎如鐘封爵邑功名讓與英雄立浮生

其二

二乳水仙花

二

題蘇小像

流是所不滿勝情緒絮如麻西廂赴約月斜
流一玉環捧趁墻邊半踏裙襜半踏花

只暮鴉憑留名守心人牙一
刻儻容

且琵琶休把光
此

遊秦樓

題營 爲小

情風流標格脉脉滿
爲齋場禁煙

簾箔空見梨花如霰乘斜月赴佳期燭熅墻陰釵敲
門扇想仗使使驚風萬千顛倒可禁嬌顫○塵世上昨
日朱顏今朝青塚頃刻時移事變秋孌命薄杜牧綠
慳天不與人方便休負良宵大都好景無多光陰如
箭聞道河東普救刺得數間荒殿

畫堂春

簾前兔走逐烏飛又驚綠暗紅稀養蚕眠足插秧齊
多半春歸○賴是花能送酒最愁雨要催詩儻教玉
勒賞花期擦踏香泥

一剪梅 二闕

紅滿苔階綠滿枝杜宇聲歸杜宇聲悲交歡未久又
分離彩鳳孤飛彩鳳孤棲○別後相思是幾時後會
難知後會難期此情何以表相思一首情詞一首情

又

雨打梨花深閉門辜負青春虛負青春賞心樂事共
誰論花下銷魂月下銷魂○愁聚眉峯盡日顰千點
啼痕萬點啼痕曉看天色暮看雲行也思君坐也思

君

憶秦娥

王守谷壽詞

解纓投散抽簪辭開此意誰知至妙其間樂地吾儒
自有名教春臺玉燭霽月光風翹首堪長嘯○世間
名利境苦勞勞爭似清風一枕高孔北海沈東老祝
長生梁上歌聲繞黃梁夢先覺

謁金門

吳縣旗帳詞

天子睿聖保障必須賢令賦稅今推吳下盛誰知民
已病○一白公臨邑政明照姦豪如鏡勅旨休將親

侍聘少留安百姓

鷓鴣天

題全荷

君王意在恤黎民妙選英賢令要津金字榜中題姓
氏玉琴堂上布陽春○歌梓道上楓宸青驄一騎漲
黃塵九重半夜虛前席定把疲癯子細陳

秦樓月

謝醫

業傳三世學通四庫志在濟人利物刀圭信手就囊
拈能事在醫人醫國○雷封薄宦寄身逆旅忽感貼
危困厄過承恩惠賜餘生祇撰箇新詞酬德

唐伯虎先生外編續刻卷之九

吳趨唐 寅伯虎著

同郡何大成君立輯

曲

步步嬌

春景

樓閣重重東風曉玉砌蘭芽小垂楊金粉銷綠映河
橋燕子剛來到心事上眉梢恨人歸不比春歸早

醉扶歸

冷淒淒風雨清明到病恹恹難禁這兩朝不思量寶

唐
髻插桃花怎當他綉戶埋芳草無情挈伴踏春郊鳳
頭任繡弓鞋巧

皂羅袍

堪歎薄情難料把佳期做了流水萍飄柳絲暗約土
肌消落紅惹得朱顏惱心牽意挂山長水遙月明古
驛東風畫橋俏冤家何事還不到

好姐姐

如今瘦添楚腰悶恹恹離情懊惱落花和淚都做一
樣飄知多少花堆錦砌猶堪掃淚染羅衫恨怎消

香柳娘

隔簾櫳鳥聲隔簾櫳鳥聲把人驚覺夢回蝴蝶巫山
廟我心中恨着我心中恨着雲散楚峰高鳳去秦樓
悄悄今宵琴瑟怕今宵琴瑟你在何方弄調撇得我
紗牕月曉

尾

別離一旦如芳草又見梁空落燕巢可惜妝臺人自
老

步步嬌

夏景

閣閣蛙聲池塘曉水面荷錢小空庭暑氣消望斷藍
橋天遠人難到清露滴梧桐怪林鴉底事飛來早

醉扶歸

眼睜睜咫尺無書到困騰騰昏迷這幾朝最難禁風
物動離情強追陪女伴尋花草偶穿鄰竹步芳郊淚
痕忽恨湘妃巧

皂羅袍

畢竟薄情難料等閒將好事雨散雲飄愁來不逐遠
山消鏡中只惹孤鸞惱洛陽春好平康夜遙東山別

墅西湖斷橋舊遊踪跡渾忘到

好姐姐

無端帶寬舞腰瘦伶仃相思病惱一身無主好似風
絮飄愁非少情絲惹地那堪掃尊酒澆胸不肯消

香柳娘

把金針暫拋把金針暫拋象牀眠覺夢魂長遶高唐
廟奈佳期負却奈佳期負却雁去碧天高人遠香閨
悄嘆塵埋瑤瑟嘆塵埋瑤瑟甚日和伊再調這消息
全然不曉

尾

天涯極目迷芳草
梧竹叢深冷鳳巢
空使朱顏坐中老

步步嬌

秋景

滿地繁霜天將曉
籬落黃花小墟烟淡欲消送別河
橋境昔曾同到草木脫青稍睹園林蕭索驚秋早

醉扶歸

冷颼颼庭院金風到
事悠悠今朝異昨朝計歸程劃
損玉簪兒詠幽懷亂積詩篇草隔簾星漢俯空郊羨

他牛女能逢巧

皂羅袍

事變由來難料倏晴明又早
雨泊雲飄從前恩愛一時消而今轉得終朝惱
登高閒眺雲邊路遙苔蒙舊館烟迷野橋劉郎何日悲重到

好姐姐

還憐冶容細腰怎禁持這般懊惱倦來剛睡又被冤
夢飄精神少愁魔總賴香醪掃心病能憑妙藥消

香柳娘

我心如醉着我心如醉着仗誰推覺恍如焚却祇神
廟怕黃昏到了怕黃昏到了天暗亂螢高城靜疎鐘
悄奈離情多攪奈離情多攪欲把冰絃自調沒心緒
躊躇到曉

尾

陽關西去連天草愁斷飛鴻沒定巢滿目荒涼秋色
老

步步嬌

冬景

落木哀風江城曉點點寒鴉小霜繁潦水消迢迢虹

橋悄没人踪到消息探梅梢見瓠葩的皪開偏早

醉扶歸

害相思湯藥曾嘗到盼歸期一朝又一朝嬾安排錦
帳飲羊羔只思量玉手拈著艸啓窻窺雪灑林郊花
開頃刻天工巧

皂羅袍

短倖心腸誰料不哀憐害我粉腮香飄真情憶着氣
難消名兒提起心先惱紫簫吹斷青鸞去逞酒闌金
谷帆開灞橋姻緣總是修不到

好姐姐

妖嬈翠鬟粉腰没人憐幾番自惱曲闌行過轉覺神
思飄知心少蛾眉淡了憑誰掃卯酒醺來祇自消

香柳娘

恰朦朧睡着恰朦朧睡着被誰驚覺鷓鴣啼斷黃陵
廟為情人去杳為情人去杳淚染紫雲高夢逐青山
悄把湘靈舊瑟把湘靈舊瑟再向風前鼓調這哀怨
聽來自曉

尾

冰霜枯盡江南草未得離鸞返舊巢浩氣長吁天地

老

伯虎閨情四闋世所傳者祇樓閣重重一套耳偶
聞詞林選勝其三闋俱全且如皂羅袍柳絲句坊
刻作縮斷今本作暗約香柳娘夢回句坊刻作巫
山杳今本作巫山廟意謂迥別的為定本因覆鏡
之不妨並載云萬曆丙辰花生日慈公識

黃鶯兒

殘月照妝樓靜聞聞燕子愁滿庭芳草黃昏後王孫
浪遊光陰水流梨花冷淡和人瘦夢悠悠銅壺滴漏
孤枕四更頭

前腔

羅袖怯春寒對飛花淚眼漫無心拈弄閒簫管塵蒙
鏡鸞愁埋枕珊瑚蕪蕪草綠王孫遠倚雕闌叮嚀魚雁
風水路途難

前腔

蝴蝶杏園春惜芳菲紅袖人東風九十愁纏病羅衣
頻熏蟬蛾嬾簪烟波魚鳥無音信夜黃昏空庭細雨
燠影伴孤身

前腔

疎雨滴梧桐聽秋聲萬籟風孤衾夜永相思重樓頭
怨鴻床頭亂蛩啾啾唧唧驚芳夢待朦朧相逢未已
無奈五更鐘

前腔

無語想芳容滿春衫淚漬紅征衣遠寄郎珍重淒涼
萬種關山幾重都成一樣相思夢覩長空鵝毛碎剪
迷斷九疑峰

黃鶯兒

詠美人浴

水褪半含羞似芙蓉怯素秋重重濕作胭脂透桃花

在渡頭紅葉在御溝風流一段誰消受粉痕流烏雲
半驪撩亂倩郎收

二郎神

綠窻春思

人不見奈料峭東風送曉寒正雨散雲收春夢斷鴛
衾鳳枕怎消受空房虛幔可是烟花緣分慳託誰行
遠情傳簡整雲鬟對菱花教人怕見愁顏

前腔

悲憐桃腮紅損眉山翠偃搵不住汪汪含淚眼爭知
薄倖曾思念鴝寡鸞單墻角梅花落已殘冷清清和

誰作伴恨漫漫強登樓無言獨倚朱闌

集賢賓

堦前青艸長舊斑玉孫何事不還李白桃紅春已半
怪求友黃鶯相喚長吁短嘆對景物愁腸百段淒涼
限知甚日情當完滿

前腔

相思相見難上難如隔萬水千山對月和風調鳳管
恨交頸鴛鴦拆散心情慵意懶又拋却金針銀剪簾不
捲羞睹着穿花雙燕

唐何夔夕紅羅裳卷之九
黃鶯兒

偷把淚珠彈怕傍人冷眼看落花滿地驚春晚思昔
枕邊叨叨細言叮嚀久久心不變怨天天將人阻隔
不遣共團圓

前腔

側耳聽啼鶯灑花枝似血鮮想應他也有離別怨白
日懶言清宵懶眠心頭常挂着相思線綠窓前揮毫
未寫淚灑薛濤牋

琥珀貓兒墜

風和日煖又見柳飛綿攪亂愁懷凝望眼幾時重續
好姻緣惟願天天遣他心回早整歸鞭

前腔

看看春暮綠暗更紅嬌天道又經一小變眼前明月
幾時圓悲怨紅顏薄命多愁枉度流年

尾

把相思苦訴與天想天心爲儂還見憐不信那薄倖
的心腸石樣堅

桂枝香 春情

唐詩卷之九
九
相思如醉一春憔悴無端幾許閒愁惱亂離人情緒
雲山萬疊雲山萬疊阻隔那人何處使我心如懸旆
望天涯草綠江南路王孫歸未歸

不是路

楊柳依依懶上妝樓學畫眉綉簾垂鎖窓斜把熏籠
倚裙褪紅綃減玉肌傷情處深沈庭院重門閉十二
闌干不語時留無計杜鵑苦苦催春去落花風細落
花風細

長拍

燕燕于飛燕燕于飛差池其羽畫梁間雙來雙去又
早清明天氣滿目前綠瘦紅肥蠶箔吐新絲一似我
柔腸萬千愁思詩就迴文頭緒亂羞得去整頓金梭
織錦機他那裏想已是賦歸與敲斷了玉釵紅燭冷
暗數歸期

短拍

翠館紅樓翠館紅樓丹山碧水遠迢迢何處追隨長
記別離時悵望斷雲殘靄都認做渭城朝雨夢裏相
逢少頃假埋冤懊悔心痴

尾

絞綃點點凝紅淚他見了恐教流涕羅袖深藏只自知

桂枝香 春情

東風寒峭纔識春光來到殷勤點檢梅梢早見南枝
白了倩偷香浪蝶倩偷香浪蝶應是未曾知曉却在
何方閒鬧好良宵羅浮夜半啼青鳥錯夢梨花燕語
嬌

前腔

春花滿眼數不盡紅深紫淺曉來風度湘簾嬌怯鶯
聲流轉喚起春情萬千喚起春情萬千點點有誰消
遣空把雕闌倚遍悄無言啼殘玉頰芳容減拋却金
針懶去拈

前腔

殘紅滿地又是春將歸去可憐一夜東風吹落桃花
千樹那愁蜂怨蝶那愁蜂怨蝶辜負尋香情緒空逐
飄飄飛絮滿天涯無端芳艸迷行騎難挽韶光住片
時

前腔

子規啼切空叫東風寒夜春光已去多時猶道不如
歸也故添人怨嗟故添人怨嗟不念我芳容消怯愁
對孤燈明滅月初斜聽殘玉漏聲將歇欲夢陽臺路
轉餘

好事近

春情

雲雨杳無踪一春靜守房櫳無風庭院清晝自飛殘
紅愁濃奈有千頭萬緒堆積處都在眉峰針慵拈弄
料薄倖秦樓迷戀何日相逢

錦纏道

絮濛濛似冤家全無定踪奴惜念怪東風淚絨封欲
傳心事奈沒鱗鴻望關山千里萬里知他共誰汎金
鍾何處繫青驄畢竟珠圍翠擁拋奴寂寞中帳底雙
鴛被羞將龍腦夜熏籠

普天樂

繡幃空難爲夢病染恹恹重說消瘦鸚鵡在朱籠妝
臺上寶鏡塵蒙香雲鬢蓬又誰知因他臂釧金鬆

古輪臺

月溶溶雕闌獨倚又昏鐘隔花香霧縈簾重鞦韆不
動影漸過墻東添我悶懷百種往日歡娛盡成憂怨
當初易匆匆酒水銀甕摘花浸強把愁攻更闌人靜
篆消猊叨漏聲遲送褥冷繡芙蓉無人共坐陪絳燭
燼春紅

尾

相思債無盡窮最苦是孤凰求鳳目斷天涯芳草濃
步步嬌

滿目繁華春將半回首情無限西樓畫捲簾芳草萋

萋野花撩亂斜倚畫闌干把江南雲樹相思遍

忒忒令

理冰弦將離懷自遣未彈時意慵心倦詞調短寫不
盡心中愁怨空冷燼玉爐烟又早見風兒細月兒明
花陰半轉

園林好

只爲他蘭香懶燃只爲他金針懶拈只爲他被姊妹
每輕賤只爲他意懸懸只爲他恨綿綿

香柳娘

漸香消玉減漸香消玉減青鸞羞見啼痕滴損桃花
面怕黃昏到也怕黃昏到也衾冷倩誰溫枕孤有誰
伴自長吁短嘆自長吁短嘆心兒暗思口兒頻念

好姐姐

可憐正淒涼未眠冷冷清清把紗窗半掩更長夢短使
人愁悶添真堪怨冤家到把誰迷戀不記得花前月
下言

雙蝴蝶

恨天嘆紅顏多命蹇恨天負心的音信遠捱不過夜

如年寬褪了兩行金釧恨天杳沒個便人兒將心事
傳恨天空教我卜金錢眼望穿

玉抱肚

薄情心變頓忘却香囊翠鈿只爲他假話虛言哄得
人意惹情牽朝思暮想病恹恹只落得瘦怯怯花容
不似前

玉交枝

時光似箭送青春催着少年看雙雙花底鶯和燕怎
教人獨睡孤眠他在紅樓翠幙醉管絃更不念我寒

唐何夔多續續卷之九
十四
燈暮雨空腸斷訴不盡離愁萬千訴不盡淒涼萬千
川揆棹

尋思遍恨冤家忒行淺不記得海誓山盟不記得羅
幃鳳鸞不記得錦屏前不記得枕兒邊

僥僥令

蒼天還念我再結此生緣有日相逢重歡忭把好話
綢繆春晝短

尾

殷勤寄與南來雁使情人心同意轉花再芳菲月再

圓

步步嬌

滿地梨花重門掩不覺春過半荼蘼香夢寒風雨黃
昏寂寥庭院美景對誰言多應負却看花眼

孝順歌

長生術何處傳堯花咲人不似前何事損朱顏何事
鎖春山恩多成怨悔不當初莫識風流面比翼肩並
帶蓮物尚然人苦不團圓

香柳娘

正朦朧睡酣正朦朧睡酣被鶯聲喚轉枕痕一線紅
香淺歎四肢嬌軟嘆四肢嬌軟懶把繡針拈慵將畫
簾捲對蒼天暗占對蒼天暗占相逢未便淒涼未滿
你趁着青春少年我落得酸心苦膽也只是命遭孤
限空淚滴濕青衫枉寫恨滿華絨

園林好

江兒水

鬢驪釵頭鳳塵蒙鏡裏鸞殘脂剩粉無心管想前春
故燒高燭把紅妝翫記昔年同行明月把芙蓉看今

日畫眉人遠冷透香羅無奈東風剪剪

僥僥令

病從愁裏得愁向病中添萬種情懷誰排遣只得對
青燈淹淚眼背天桃含淚眼

尾

韶華贏得傷春恁撫枕懷人魂夢牽留得飛花泣杜
鵲

步步嬌

花落花開不管流年度誰與花爲主傷心聽杜宇人

唐詩及多續雜卷之九
面奩花甚時完聚有意送春歸無計留春住

江兒水

雨過橫塘路池萍漲綠波紛紛柳絮隨風舞紗牕幾
陣黃梅雨圓荷葉小難擎露景傍清和時序晝永人
閒靜掩綠窓朱戶

園林好

人去遠佳期未卜暗倚遍闌干數曲見池內鴛鴦交
頸不似你命兒孤偏似我命兒孤

川潑棹

碧碧草沿堦海榴半吐綻蜀葵如錦簇那更令節蕤
賓那更令節蕤賓遍懸貼神符艾虎怎將人鬼病魔
怎將人鬼病魔

人月圓

氣長吁情懷幾許惹離愁千萬縷一似散却鸞凰一
似散却鸞凰再不想吹簫伴侶這離情欲訴誰這離
情欲訴誰

五供養

深沉院宇透入薰風暑氣全除涼亭堪宴賞有清虛

陽臺路阻雲雨事無憑。無據甚日重相會再歡娛未
知道天意果是何如

僥僥令

光陰如撚指日月緊相催只見暑往寒來空中去不
見有情人教誰寄書

前腔

彤雲纔密布六出滿空飛只見煖閣紅鑪銀妝遍不
見雁兒來教誰寄書

尾

冤家莫把人辜負早會合共成一處免教我鳳隻鸞
孤

針線箱 傷春

自別來杳無音信昨夜裏燈花未准五行中合受凄
涼運只索要苦縈方寸有時節獨立在垂楊下可奈
枝上流鶯和淚聞合真愁悶縷金衣上都是啼痕

前腔

過一日勝似三春看看早春光又盡害得那不疼不
痛淹淹病漸覺這帶圍寬褪只見落紅滿地香成陣

又是雨打梨花深閉門合真愁悶縷金衣上都是啼痕

解三醒

待寫下滿懷愁悶竟說與外人不信迴文錦圖空織盡為訴與斷腸人幾番待撇尋思別事因又爭柰一夜歡娛百夜恩合今番病非因是害酒只為傷春

前腔

海棠嬌等閒憔悴損怎不見當時花下人東風不管人離恨空吹散楚臺雲如痴似醉悠悠勞夢魂恨不

得一上青山變化身合今番病非因是害酒只為傷

春

尾

恨薄情無憑准朝朝思想淚珠傾這樣傷春誰慣經

右曲十三套見詞林選勝

何子讀六如先生曲譜而喟然有感焉往于外叔祖西巖秦氏博極羣書尤精音律嘗應試南都以八月既望縱步桃葉渡三吳士女靚妝炫服遊者如堵已而六館英豪平康姝麗笙歌雜沓畫舫鱗次西雙乃浩歌念奴嬌序一闕低徊慷慨旁若無人環橋而聽者不可勝紀也頃之月墮沙堤漏殘銀蟻向之姝麗者爭弄席交懽焉捧檀板以度曲挾雲和而授指絃周郎之矚睇祈薦枕于襄王悅李暮之譜詞效吹簫

于秦女洵可樂也曾未數十年風流頓盡石城夜月
空縣美人之思柘館笙篴不入鍾期之聽予外祖夙
巖公每向予道之未嘗不涕泗唏噓也嗟夫人與世
衰音隨代舛蕪音累句徒傳白苧之篇拘韻顛腔祗
艷紅泉之帙詎審填詞按曲別準金科疊譜和腔須
逢繡指未易以一二為盲道矣詞林選勝一編乃魏
良輔點板所載六如曲富甚予備錄之其微詞秘旨
種種不傳惜為三家學究漫置題評十市街頭印行
改竄鶯聲柳色第聞亥豕魯魚鳳管鸞箏莫辨言凡
清濁纖妍雖具妙義全乖不佞耳慙師曠心賞伯牙
指貲募工亟為繕寫更以諸本刊誤附列如左庶幾
礪砢對連城而失色明月錯魚目而愈珍即起六如
酉巖兩公于九原當不以予為僮父也丙辰三月禊
日虎丘漫識

附伯虎雜曲

伯虎雜曲散見諸樂府或誤刻他姓或別本互見者
種種不同不佞悉為詮次以備闕遺然皆各有所據

不敢混入以滋厲誦云丁巳夏日慈公識

集賢賓

冰肌玉骨香旖旎藕花深處亭池碧玉欄杆誰共倚
辜負了涼風如水光陰撚指又早是破瓜時亭鸞鏡
裡只怕道崔徽憔悴

黃鶯兒

孤枕伴殘燈悄無言珠淚零濃霜打瓦鴛鴦冷淒涼
五更綢繆四星愁腸早起安排定恨才人長門賦裡
說不盡衷情

前腔

燈火夜闌珊繡簾風花影寒不除釵釧眠孤館心兒
裡漸酸口兒裡漸乾此時愁比天長短夢巫山雲收
雨散神女怨青鸞

前腔

日轉杏花梢送春歸把酒澆行人不念佳人老青帘
小橋黃鶯滿鑣天涯何處無芳草路迢迢歸期正早
瘦損小蠻腰

山坡羊

九閩

新酒殘花迤逗寒食清明前後羅衣冷落冷落腰肢
瘦獨自愁何時有任頭剛能撥遣撥遣還依舊芳草
天涯人在否登樓登樓望遠遊低頭低頭淚暗流

前腔

燕子粧樓春曉天際王孫芳草烟波曠蕩曠蕩鱗鴻
杳翠黛彫愁眉怎畫描東風賺得賺得鶯花老紅燭
金釵且漫敲香消香消一捻腰迢迢迢迢萬里橋

前腔

信迢迢無些憑準睡惺惺何曾安穩東風吹散吹散

梨花影軟弱身輕
草上塵只愁鏡裡鏡裡朱顏
損
栲栳量金買斷春
傷神傷神額黛顰堪
嗔薄
伴人

前腔

牕下鷄鳴天曉
箔上蚕眠春老
海棠報道
報道花開
蚤夜又朝光
陰信手拋
甫能炙得炙得燈光
了燕子
樓頭月又高
春宵春宵嘆寂寥
裙腰裙腰香漸消

前腔

織手尋常相
親口曾教放膽
塔尖兒上却把人來

賺咫尺間
猜對面山風雲氣色多少
濃和淡鐵打
心腸也弄酸
無端無端惹這般
休瞞休瞞道沒干

前腔

睡昏昏不思量
茶飯氣淹淹向虛空
嗟嘆他推不慣
到是誰曾慣
那轉灣相逢着面顏
除非是天與天與人
方便性命看來直破錢
嬋娟嬋娟望可憐
姻緣姻緣豈偶然

前腔

煖融融溫香肌體
吟吟嬌羞容止
牡丹芍藥都難

比緊樓時心頭氣一絲起來拜謝拜謝天和地便死
甘心說甚的相携相携手不離相思相思只自知

前腔

明月梧桐金井遊子風塵萍梗紅羅斗帳斗帳新霜
冷掩翠屏斜身背着燈燈前壁上壁上形和影教我
如何挨到明愁聽愁聽雁報更低聲低聲訴薄情

前腔

嫩綠芭蕉庭院新繡鴛鴦羅扇天時乍暖乍暖渾身
勦整步蓮鞦舞畫架前幾迴欲上欲上羞人見走入

紗厨枕底眠芳年芳年正可憐其間其間不敢言

香遍滿秋思

春風薄分吹回楚臺一片雲入夢追尋無定準遠山
疑淺顰仙踪不染塵想應夢裏人解憐我傷秋恨

瑣寒窻

漸江楓玉露初勻料想衡陽雁未賓盼巫峰朝暮信
息難真誰知青鳥忽傳來信似雲駢降臨隱隱偶聞
試端詳月下丰神頓教良夜生春

劉潑帽

唐伯元夕雜詩卷之九
背人避影通芳訊恨塵緣尚阻良姻盈盈眼底明河
近不得親脉脉添愁悶

大聖樂

玄都觀花事雖湮想天台緣未泯采春正合元郎韻
知盼盼是你前身少不了今生酬却前生願豈但是
一夜夫妻百夜恩從他間阻這赤繩到處自然相引

生薑芽

秋蟾又吐痕採萸新壺觴肯向時俗混頻傳問待人
攜芳醞任他吹帽金風峻黃花笑把簪蟬髻屈指良

辰是佳期從今定無孤辰運

尾聲

離情一日三秋迅况秋宵容易斷鬼待取相逢却細
陳

榴花泣

情東書樓

折梅逢使煩寄到金陵是必見那芳卿將咱言語記
須真一一的說與他聽自別來到今急煎煎遣不去
心頭悶似楊花覆去翻來如芳草削盡還生

前腔

唐伯元外編續刻卷之九
三四
憑高眺遠望不見石頭城重山障亂雲凝茫茫都是
別離情只落得淚眼盈盈恨不能生羽翎到妝臺訴
與你千般恨有誰人知我衷情惟明月照人方寸
喜漁燈犯

佳辰幾把闌干凭也只爲傷春你怎知我日夜相思
竟忘餐廢寢你怎知我近日多愁悶漸覺帶圍寬褪
說與他我決不學王魁行說與他你莫學蘇小卿說
與他酒泛金樽我也無心去飲說與他絃斷瑤琴我
也無心再整說與他我怕聽鷄鳴鐘聲報黃昏送五

更那時節我的愁悶轉增

尾漁燈

想殺您初相見至誠想殺您笑來迎想殺您體素龐
兒俊想殺您花月下好句聯賡想殺您叫着小名低
低應想殺您對蒼天共盟想殺您臨岐執手苦叮嚀
這衷腸事畧畧訴您知己話也難說與君聽正是箇
箇萬般說不盡煩君去傳與我多情他若聞必然淚
零只怕他淚痕有盡情難盡落得兩處一般愁悶縈

尾聲

榜花香裏傳春信報道江南一掃情真學凍葉寒葩

心上冷此套繫孫處清作今正之

排歌 味纖足

第一嬌娃金蓮最佳看鳳頭一點靈誇新借曉辨月

生牙尖齒幫柔滿口花從別後不見他雙鳥何日再

交加腰纏綰綰肩上架背兒誓在玉白拿

增點... 啓云伯虎集... 閣... 重一套因他消瘦... 國... 人... 非... 唐... 先生... 春... 來... 一... 套... 乃... 真... 唐... 作... 矣... 乞... 人... 此... 而... 去... 此... 兩... 套... 庶... 為... 本... 女... 度... 博... 極... 羣... 書... 其... 言... 必... 非... 擬... 但... 攷... 詞... 林... 選... 勝... 象... 八... 如... 作... 未... 知... 孰... 是... 不... 伎... 志... 在... 堪... 擬... 磨... 角... 鳳... 毛... 不... 所... 歌... 其... 其... 其... 廣... 統... 俟... 博...

雅者攻焉若曰屠沽市肆困人清廟則彙萃各有主名罪不濶不伎也刻成不忍削去姑兩存以便歌者

黃鸞兒 四闋

寒食杏花天鳥啼春人晏眠一簾飛絮和風捲芳菲

可憐相思苦纏等閒鬆了黃金釧悶懨懨朝雲暮雨

鬼夢到君前

細雨濕薔薇畫梁間燕子歸春愁似海深無底天涯

馬蹄燈前翠眉馬前芳艸燈前淚夢魂迷雲山滿目

不辨路東西

風雨送春歸杜鵑怨花亂飛青苔滿院朱門閉燈昏

翠幃愁攢翠眉蕭蕭孤影汪汪淚惜芳菲春愁幾許
碧草遍天涯

秋水蘸芙蓉雁初飛山萬重行人道路佳人夢朝霜
漸濃寒衣細縫剪刀牙尺聲相送韻叮咚誰家砧杵
敲向月明中

桂枝香 四闕

蓮壺漏啓薰籠香細寒生小閣春殘人
看鞦韆影度看鞦韆影度疑是冤家來
年花事到薔薇摘花浸酒春愁重燒竹

前腔

紅樓疑思綠陰鋪地輕黃落盡蜂鬚淡粉烘乾蝶翅
見雕梁燕兒見雕梁燕兒泥喃學語困人天氣薄情
的何處章臺路飛花襯馬蹄

前腔

芳春將去玉人歸未心隨柳絮飄揚貌比梨花憔悴
嘆幽閨夢中嘆幽閨夢中怎識關河迢遞音書難寄
意如痴恠殺雙鴻鴻橫塘只並飛

前腔

封侯未遇王孫何處綠楊葉底黃鸝紅杏梢頭青子
惜芳菲又歸惜芳菲又歸滔滔逝水欲留無計漏遲
遲宿鳥驚枝去殘燈落燼時

步步嬌

樓閣重重東風曉玉砌蘭芽小垂楊金粉消綠映河
橋燕子剛來到心事上眉梢恨人歸不比春歸早

醉扶歸

冷淒淒風雨清明到病懨懨難禁連兩朝不思量寶
髻挿桃花怎禁他繡戶埋芳艸無情挈伴踏春郊鳳

詞在繡工鞋巧

皂羅袍

堪嘆薄情難料把佳期做了流水萍飄柳絲暗約玉
肌消落紅惹得朱顏惱心聲意挂山長水遙月明古
驛東風盡橋冤家何事還不到

好姐姐

如今瘦添楚腰悶懨懨離情懊惱落花如淚都做一
樣飄知多少荒堆錦砌猶堪掃淚染羅衫痕怎消

香柳娘

隔簾櫺鳥聲隔簾櫺鳥聲把
杳我心中恨着我心中恨着雲
消怕今宵琴瑟怕今宵琴瑟你在何方弄調奴守紗
牕月晚

尾聲

別離一日如秋草盡被染空落
香遍滿

香遍滿

因他消瘦春來見花真箇羞羞問花時還問柳柳條

嬌且柔絲絲不縮愁幾回暗點頭似嘆我眉兒皺

懶畫眉

無情歲月去如流有限姻緣不到頭慊慊鬼病幾肯
休繡戶輕寒透十二珠簾不上鉤

梧桐樹

黃鶯似喚儔紫燕如吟友浪蝶狂蜂對對還尋偶無
端故把人儂恁一片身心教我如何得自由梨花暮
雨黃昏後靜掩重門只與燈兒厮守

浣溪紗

我容貌嬌他年紀幼那時節兩意相投琴心宛轉頻
挑逗詩句包籠幾和酬他去久有些個風聲兒未真
實見人須問個因由

劉潑帽

浪遊那裏青驄驟向吳姬賣酒爐頭烏絲醉寫俱紅
袖厮逗迺半霎兒渾忘舊

秋夜月

恩變作讐頓忘了神前呪耳畔盟言皆虛謬將他作
念他知否他待要罷手我向曾下口

東歐令

難消悶怎忘憂抱得秦箏上翠樓絃聲曲韻都非德
淚濕透春衫袖青山疊疊水悠悠何處問歸舟

金蓮子

表記留香羅半幅詩一首做一個香囊兒緊收帕見
那繡鴛鴦一雙雙交頸睡沙頭

尾聲

等待他來時候薰香重煖舊衾稠把往事從前一筆

勾

唐何遜詩集卷之九
朱賢賓

紅樓畫閣天縹緲
玉人乘月吹簫一曲梁州聲裊裊
到此際離愁多少青鸞信杳
冤夢斷十洲三島春色
老看滿地桐花風掃

前腔

春深小院飛細雨杏花消息何如
報道東君連夜去
須索要圈留他住金盃滿舉
怎不念紅顏春樹君看
取青塚上牛羊無主

前腔

閒庭細草天色暝瀟瀟
風雨清明萬斛春愁兼酒病
偏不肯容人甦醒
殘花弄影明日是滿枝青杏
金鏡冷羅袖上淚沾紅粉

前腔

窓弄好花香旖旎
藕花深處亭池碧玉欄杆誰共與
歎瞬息年華如水
光陰撚指又早是破瓜年紀鸞鏡
裏細看來十分憔悴

已上四闕別本誤刻沈青門今攷三徑詞選
實繫唐六如先生作

月兒高

唐介乃多...
烟鎖垂楊院日長繡簾捲人靜鶯聲細花落重門掩
薄倖不來羞覩盡梁燕天涯咫尺尺尺情人遠只怕
路阻藍橋無由得見天天若肯週全除非是夢裏相
逢把奴衷腸訴一遍

前腔

園苑飄紅雨輕風蕩飛絮有意送春歸無計留春住
倚遍欄杆默默悄無語雲山萬疊萬疊空凝佇我的
情郎知他在何處吁欲待要寄封書只怕水遠山遙
沒箇便鴻去

前腔

送別長亭柳情濃怕分手欲跨雕鞍去扯住羅衫袖
問道歸期端的甚時候盟言未卜未卜鮫綃透唱徹
陽關重斟別酒酒除非是解消愁只怕酒醒更殘愁
來又依舊

前腔

髻縮香雲擁釵分兩金鳳爲你多嬌態積下愁千種
月冷黃昏孤燈有誰共情人悞我悞我良宵夢盡角
頻吹梅花又三弄風休吹入繡幃中只怕惱動多情

把奴相思病越重

山哀羊

情和愁纏人沉醉月和燈明人心地爲冤家使得心
都碎骨髓情怎教人心棄毀藍橋路阻路阻春來水
淡院黃昏珠泪垂徘徊燈花燒做灰茶蘼闌干邊飛
作堆

前腔

數過清明春老花到荼蘼事了光陰估估值錢多
少望酒標先揀典翠袍三更尚道歸家早花壓重門
帶月敲滔滔滔滔醉一宵蕭蕭蕭蕭已二毛

新水令

一從秋暮路傍窺閃流

主綱

六密期

捱不過這寥寂無便寄半行書空目斷清波鯉

步步嬌

獨坐書齋漫把薰籠倚悶則和衣睡無端走筆題信
手縱橫都做了相思字終日意如癡把功名兩字空
拋棄

折桂令

有時節強對書籍悔過尋思間理文辭剛不到數行
箋註幾個標題早不辨了周書漢史却倒讀了者也

乎之眼底昏迷脚步慵移又不覺遶書齋閒走千迴

江兒水

俛首沉吟久何時得遇伊覷芳容旖旎多嬌麗待冤
家嗔喜千般意訴咱行萬種相思味顛倒百番思議
一段柔情做了兩家酬對

雁兒落

我怕你害相思損玉肌我怕你乍相逢無恩義我怕
你入侯門似海深我怕你把蕭郎空違背我怕你口
中辭無剗切我怕你溫存話面相欺我怕你埋沒俺

真誠意我怕你憐念着倍傷悲怎得人問個真消息
愁也麼疑俺志誠心自有天鑒知

僥僥令

他倦繡停針不語時忽聽得燕鶯啼疑是人踪窓前
至剛偷覷兩下閃相思

收江南

呀早知道恁般拆散呵誰待要當日遇嬌姿好似離
冤倩女鎮相隨又不是襄王雲雨夢驚迴細停睛看
時細停睛看時却原來虛齋寂寞自徘徊

園林好

想玉人花容柳眉不由人不如呆似癡無奈雲山遮
蔽生隔斷路東西生隔斷路東西

沽美酒

綰垂楊贈別離聽寒鴉似悲啼滿目風光助慘悽傷
情祇自知欲訴待憑誰有口嫁兒郎新婚燕爾怎知
俺愁中滋味我呵恨無
美並栖空獨自屈指佳

期呀猛驚看青衫

清江引

多情自古添憔悴怕惹得傍人議將心脉脉疑則索
沉沉睡要相逢除却兒裡同歡會

